

КОМСОМОЛОНЬ ВАЙГЯЛЬ

Достойнайста васьфтемс тонафнемань од кизоть

Аделсевичть кизонь кани кулхне. Тонафнихне оцю энергия мархта учихть, мзярда олуксувайхть школань (классненьди). Синь оцю мяль мархта учихть, мзярда кярмодихть наукать искусствать тонафнема.

Минь счастливый родина-сонк эрь од ломаньтти максфтембе возможностьтне, штоба тонафнемс и тонафнемс аныцек цебарста. Партиясь, правительствась и соньць кельгома Сталинць седи вакска кельгозь эрь шиня заботендахть минь од ломаненьконь тонафнема шиснон ингса. Тонафнема тевти молневицхь лама-средствада, строявихть цебарь од школать, лабораторият и общежитият.

Но эрзяи азомс, што вастова вельсоветонь и районнь руководителхнень неповоротливостсон сюеда нингя калдывста пашкодхьшневихть партиянь и правительствать решениясна тонафнема од кизоти анокламать колга.

ВЛКСМ-нь ЦК-сь лифць путфкс, коса мярьгсь сембе комсомольской организациятненьди йотафтомс „легкай кавалериянь“ рейд школатнень анок шиснон ванондомаснон колга. Тя задачась оцю и почетнай ВЛКСМ-нь ЦК-сь макссь аф оцю пингя. Августь васеньце шистонза савомак и 15-це шинь самос комсомольской организациятненьди „легкай кавалериянь“ рейдть эрзяи йотафтомс стая, штоба лездомс сембе организациятненьди лифтемс сембе аф сатыкснень, конат шорьсихть тонафнемань од кизоть успешнайста ушедоманцы.

Тячienen номерса печатлаф материалхнень эзда няеви, што нингя лама район рейдть йотафтоманцы исть кярмодь.

Зубунь комсомолонь райкомсь мянь тнярс пцтай мезевон изь тий. Сонь фкявок бюронь членон нингя изь тушенда вели, а рейдть пору чандазь аныцек комсоркненьди и рядовой комсомолецненьди. Лямбирень райкомонь бюронь члетне сян вастс, штоба сембе районца возглавить, рейдть синь тушенць иньжекс эсь ялгаснон ширьта.

Нят фактне няфнесазь, што Зубунь и Лямбирень райкомть не нингя аф марайхть ответственность школатнень анокламоснон ингса.

Редакцияв сешенды сигналхнень эзда няеви, што койкона районца од школань строямась и школаны ремонтсь велева моли исключительно калдывста Лама школаса аф сатныхть партатне, аш класснай доскат, калдывста моли пенгянь ускомась. Саранскаень районти эрзяихть сембоц пенгада 3200 кубометра, а ускф аныцек 2612 кубометра. Тя сембе районга, а клаваномс башка велева то цифраться тревожайхть. Посоп велень школатненьди эрзяи ускомс 200 кубометра пенгя, а ускф аныцек 60 кубометра. Темниковань районца лама школава нингя исть ушедкшнень пенгянь ускома.

Березникань районца пяк ламода аф сатныхть учебникне и учебнай принадлежностьне Березникаса „мордгизонь“ отделениясь мянь тячинь шиста серьезнай прорывть колга сур сур лангс ашезь тока.

„Легкай кавалерият“ эрзяи сядя цебарьняста ванондомс нят афсатыкснень и сатнемс сян штоба вельсоветне, райисполкомсь, райОНО-сь примальхть мерат кавалериять мархта лифть аф сатыкснень машфтомаснон ингса.



Августь 3-це шистонза Москуса, Краснай площадса столицань рабочайхне тиеньдсть солидарность грандиознай митинг Испаниянь народти, кона героическайста тюри фашистскай мятежничкнень каршес.

ИСПАНИЯНЬ ТРУДЯИХНЕНЬДИ ЛЕЗКО

Августь 5-це шистонза Саранскаень ТЭЦ-сь йотаффт митинг. Партийнай комитетть секретарец Дерябин (ялгась эсь нюрхьянь сообщениясон за аозе испанскай рабочайхнень тюремаснон фашистскай мятежничкнень каршес.

Сембе рабочайхне фкя лапалхтсь путфкс, штоба максонс фкя квонь заработкасност фкя процент. Тяка жа шиня йотаффт митингт кендянь и кочелаень базань эса электростанциятнень эса. Тяса

рабочайхне максесазь фкя шинь заработкаснон. Суммась, кононь максыхть вьрезф организациятне 3 тьожать цалковайхть.

МАССР-нь физкультурань высшай советсь, лувомок цебареньди Москувонь рабочайхнень инициативаснон испанскай пролетариатти лезксонь максомать колга, конат тюрхихть эсь афзависимостьснон инкса фашизмать каршес решил максомс сембе сборть ко

нац кочкови Рузави ранск „футбольнай“ комитетнень налхкомостост стадуваманкса.

Тяфта жа йотаффт митинг госторговлян союзонь члеттнень йоткса (Инсарань р-н). госторговлян союзонь члеттне максесазь фкя шинь зарплатаснон.

Тяфта жа йотаффт митинг Кадошкинской районнь госторговлян союзонь члеттнень йоткса, конат максесазь фкя шинь заработкаснон. М.

В. КОККИНАКИТЬ ОД РЕКОРДОЦ

13.110,5 МЕТРАНЬ СЕРЕС 500 КИЛОГРАМ
ГРУЗ МАРХТА

СССР-нь А. В. Косаревть лемса Центральной аэроклубонь Спортивной комиссиять путфксоц августь 5-це шистонза 1936-це кизоня.

Кулхондомок сообщениять и ваномок материалхнень и протоколхнень, конатнень представили СССР-нь Центральной аэроклубонь спортивной комиссархне инженерхне М. С. Кривиский и Л. Н. Спасский ялгатьне В. К. Коккинаки пилотть транспортной самолета ЦКБ-26 кафта моторса М-85 кажнайсь 800 л. силат 500 кг коммерческой нагрузка мархта высотнай полетонц колга, конат тийф августь 3-це шистонза 1936 кизоня 15 част 12 минутста—16 част 35 минутста, Путоськ:

1. Засвидетельствовандам: В. К. Коккинаки пилотть мархта лемаса сатф сереть равнайкс 13.110,5 метрас.

2. Лувомс В. К. Коккинаки пилотть леманц результатонц 500 кг. коммерческой нагрузка мархта высотань всесоюзнай (национальной) рекордокс (сухопутнай самолетонь—„С“ классь коряс). Тяста няеви, В. К. Коккинакись йотазе (по бил) выстань, 500 кг. коммерческой нагрузка мархта эсь ингольдень рекордонь, конанц тиеньдезе июльть 17-це шистонза, тяддень кизоть.

3. Максомс соответствующай материалхт рекордть, кода „С“ классь коряс международнайть, засвидетельствовандамс Международнай Авиационнай Федерациять (Ф. А. И.) президиумозонза.

СССР-нь А. В. Косаревть лемса Центральной аэроклубонь Спортивной комиссиять председателец Комбригсь.

М. Дейч.
Секретарьсь А. Любарский.

ОБОРОНАНЬ ПРИМЕРНАИ ХАТА

Кочкуровань р-нца, Най. Тавла велеса йотай кизоть ульсь организованцаф оборонань хата. „17 парт'ез“ колхозть правленияц явоштсь оборудовандамс средствам. Тяни оборонань хатаь кафта малокалибрнай винтовканза, 5 противогазонза, оборонань фсякай темаса макетт и плакатт.

Работа вьтэви населениять йотксонга. Сявфт учетс сембе демобилизованнай красноармеецне и гражданскай войнана участникне. Синь оцю мяль мархта йотафнихть бесодат велень од ломаттнень йоткса. Оборонань хатаь эса работай стрелковай кружок (руководительсь Кавкайкин ялгась), физкультурнай кружок петф физкультурнай площадка.

Кавкайкин ялгась 37 колхозникт тонафтсь, кода пользовандамс противогазть мархта, калафнемс и кочксемс винтовкать и ст. тов.

М.



Якубовть лемса швейнай фабрикань работницась стахановкась МАДЖИДА МУХАМЕДОВАСЬ—Узбекистанскай физкультурнай техникумонь инь цебарь тенисткась.

СНИМКАСА: Маджида Мухамедовась стадионца.

ЦЕБЯРЬСТА АНОКЛАФСТА ВАСЬФТЕМС ТОНАФНЕМА ОД КИЗОТЫ!

„ЛЕГКАЯ КАВАЛЕРИЯ“ РЕЙДСТА

Тонафнемань од кизоти анокламась моли кальдявста

Саранскайень районца сембец 46 школ, конатнень эзда начальнайда—35, аф полнай средняйда—9 и полнай средняйда—2 школ. Кода нят школатне анокласть тонафнемань од кизоти? Анокламась моли кальдявста. Августь 8-це шинц самс ремонтывандаф аныцек 18 школ. Роноть заведующае Храмков ялгась корхтай, што илядыкс школатне августь 15-20-це шинзон самс улихть ремонтывандафт. Кальдявста моли школьной ремонтс Грибоедовань аф полнай средняй школаса, Танеевскаса и Ключеваскаса.

Одс строяви школатне, Протасоваса (аф полнай средняй школа) августь 8-це шанц самс строяф 94 процентс. Ключеровань аф полнай средняй школаса—98 процентс. Танеевкань начальнай школаса 63 процентс, а Удинскаса строительствася, оделався, илядыт марам галанкат. Кода няеви школьной строительстват мархтонга тевсь ащи кальдявста, а плани коря нят строяви школатне должетт ни улемс анокт эксплуатацияс.

Партатне школатнень эзда сатыхть. Наркомпростотаниян коряс тядень тонафнемань кизоти эривольхть 1.500 партат, а райкомнень планшонца намечаный йотфемс 2,5 тьожатят партат сянкса, штоба аф конатнень партатнень полафтомс ланкс но августь 8-це шинц самс тийф аныцек 326 партат. Храмков ялгась мушенды туйтал, што аш вирь. Класснай доскада эриволь тийфтемс 34, а тьяниень пингыт самс тийф 24. Класснай шкафта эриволь плани коря тийфтемс 22, а тийф ниня 9.

Школатненьди и учительхненьди эриволь усомс киза кувалмоньди 3.200 кубическай метрат пенгя, а тьяниень пингыт усф 2.612 кубметрат. Кой-конатненьди йотфемс кржа усф пенгада. Луковкань школати эриволь 150 кубметрат, а усф ниня 30 кубметрат. Посопонь школав 200 кубометрат васте усф 60 кубометрат.

Районца кой-кона школатне ниня атак укомплектовандакт педагогической кадраса. Начальнай школава эриволь 23 учительхть. Аф полнай средняй и средняй школатненьди эриволь 6 преподавательхть математикаса, 9 преподавательхть рузонь кяльса, 4 биологияса, 4 обществоведенияса, 3 географияса. Комплектованият колга мезевок атак тийхть. Авд РОНО са ваяндайхть 38 заявленийт учительхть примать колга. И кивок нят заявленийтнень тья пингыс ашезень ванонда, а вдь ломатьтне зняльдихть, штоба прималезь работама. Кинь эзда нят заявленийтне? Нят заявленийтне ингольден учительхнень эзда, конат аф кржас работасет педагогической работаса али лия областаста аф учительхть. Образованьясна синь ламоснон средняй,

а 10-шкаты аф аделаф высшай и аделаф высшай. Кода няеви ломатьтне подхоящайхть, а Рай-ОНО-нь руководителхне мезе бди ниня учсихть, нльне заявленияснонга ашезень ванонда, а школатненьди преподавательхне и учительхне аф сатнихть.

Учебникнень колга тевсь ащи пяк кальдявста. РайОНО-ть лувксонц коряс школатнень эзда учебникне 8-це класти м о л е м с обеспечендафт 75 процентс, а 8-9-10-це классонь ученикнень учебниктост пяк и пяк кржа. Тераденъ палде тевсь ащи стаянжа кальдявста. Средняйста районть эзда эрь ученикть аноклаф тетрадыт фьян-кафтонь эрь ломантти. Атемаронь, Посопонь полнай средняй школатнень эса пцтай йотфемс аш 8-9-10-це классненьди учебникт географияса, рузонь кяльса и ст. тов. Крандажса, черниласа, пераса резинкаса школатне основнон обеспечендафт.

Плани коря эриволь школатненьди рамам нагляднай пособияда 6.462 цалковаень питне, а тьяниень пингыт самс рамаф нагляднай пособияда 354 цалковаень питне. Сянь инкса, штоба эзда тов ладямс ученикнень учебникса, учебнай пособияса, нагляднай пособияса и учебнай принадежностьса обеспечендамаснон, школава улихть организывандафт книганы, тетраденъ, крандаженъ, перанъ и лиянь мишендемат. Но конкретнай мероприятият, план учебниконь и учебнай пособиянь мишендема колга районось тья пингыс ашезень намечанда. Сонькя завсь аф со-

дасы, кона велетнень и кона школатнень эса кармайтхь мишендевома учебникти учебнай принадлежность.

Горячай завтракт улихть организывандафт лакоц школатнень эса, но кой-кона школатнень эса аш возможность тятевть организывандамс, сяс мес аш помещеният кухнян-ди. Оцю школатнень эса горячай завтраконь организывандамась стака, а РОНО-ть планонц коряс оцю школатнень эса организывандамс платнай буфетт.

Учительхне обеспечендафт казеннай квартираса 50 процентс, а лиядыхне эриволь частнай квартираса.

Пингыс йотай. Тонафнемань од кизотс маладкши, но кода няеви Саранскае РайОНО-сь тонафнемань од кизоти школатнень анокламаснон колга тийсь пяк кржа РОНО-ть заведующае Храмков ялгась лама обещандакши школатнень анокламаснон колга. Сонь валонзон коряс районца сембе школатне тонафнемань од кизотс ушедоманцыт улихть аноклафт и школатне улихть укомплектовандафт, но нят аныцек обещаният, мази валият, а сембе тевне марса, вдрог аф тиевхть, сяс што синь эздост тием ниня пяк лама.

Саранскае РайОНО-ти и сонь заведующае Храмков ялгати эриволь кемоньста кярмодемс тонафнемань од кизоти аноклама, сянь инкса, штоба счастливый, жизнелюбный поколеният васьфтемс чистай, валда, лямбе и уютнай школаса.

А. Дуйков.

Лямбирень, темникавонь, зубунь райкомтне, практической РАБОТАТЬ ПОЛАФТОЗЬ БОЛТОВНЯСА

Июль 30-це шистонза „Комсомольская правда“ газетать эса пчатлафоль ВЛКСМ-нь ЦК-ть путфксонц, тонафнема од кизоти школатнень аноклаф шиснон проверямаса „легкая кавалерия“ сембесюзонь рейдс йотафтоманц колга. Рейдс йотафневи августь 1-це шинц эзда савомок августь 15-це шинцы модемс. Кода нийсаськ пингс нюркхине, тья значит комсомольскай организациятнень эзда вешевипяк оцю мобильность, штоба пашкодэмс ВЛКСМ-нь ЦК-ть путфксонц.

Вансаськ, райкомтнень мобильностьсн, кода синь практически пашкодкхнесазь ВЛКСМ-нь ЦК-ть тья боевой забаниянц.

Августь 8-це шистонза ВЛКСМ-нь обкомс йотафтс ВЛКСМ-нь райкомонь секретарьхнень мархта совещания, коса васеньце кизефксонс ашезень „легкая кавалерия“ сембесюзонь рейдс йотафтоманц колга. Кулценфгольхть докладт, кода райкомтне включились практической рейдс йотафтоманцыт.

Кизефкс пяк яснай. Йотась ни 8 шит, эриволь учемс, што райкомонь секретарьхне эсь докладсост, выступлениесост озонцаз, што ВЛКСМ-нь ЦК-ть путфксонц пашкодэманцыт включились сяка шиня, кодак полчазть тья путфкст мархта „Комсомольская правда“ газетать, тья примерно августь 1—2-це шистонза.

Но тевсь лиссь ичкози аф тьятаня. Совещанияса кой-кона райкомонь секретарьхне, няфгезь эсь пряснон, кальдяв руководителкс, а кой-конат эздост проста чеснай балтункс.

Кепедьксоньди сясваськ Лям-

бирень райкомт (райкомонь секретарьт инкса лядс Паршунов) Конашкава жалкайста няевхть тоса райкомонь руководителхне. Сянь вастс, штоба боевойста кярмодемс ЦК-ть путфксонц пашкодэманцыт сяка жа шиня, кодак полчазть тья путфкст мархта „Комсомольская правда“ газетать, синь путозь тья кизефкс райкомонь бюроть заседаниясонза аныцек августь 6-це шистонза. Тья ли нинге аф тевфтема ши, аф расхлябонность, спозволением мяргомс, Лямбирень ялгат! Вдь синь августь 8-це шинц самс практически, болтовняда башка, мезевок ашезть тий.

Паршуновс кода райкомонь секретарьс, совещанияса ашезень аз фьявок школа, конаба улель анок од тонафнема кизоти. Сон афсодасы мзяра од школада тятденъ кизоня строяви Лямбирень районца. Сон нльня афсодасы коса издаются татаронь кяльса букварьхне.

Сон эсь выступлениясонза старандась корхтамс вообще. Вов нинге фья факт, кона корхтай тья руководителъ убожестванц колга. Сон корхтай, што районнай комсомольскай активть эзда велетнень эзда, школатнень од кизоти анокламаснон колга лезксонь максомать инкса кучф 12 ломатьт, тьяк лувксса кучфт райкомонь бюроть сембе четтне. Сясваськ райкомань пионеротделть заведующае Курмаев ялгати. Вдь сон бюроть член и сянь востс, штоба сяка жа шиня тумс вали, сон сась Саранск ошу и эриволь тья августь 8-це шинц самс. Нят фактне няфнесазь, кода шарьхкодезь Лямбирень райкомт руководителенца ВЛКСМ-нь 10-це с'ездть решениянзон и кода синь тиезь одукс эсь работаснон с'ездта меле.

Аф тьяда цебярьста ащи тевсь Темникавонь, Зубунь организациятнень эса. Вов Темникавонь райкомт секретарес Наумкин ялгась. Сон йотфемс мезевок ашезень аз реальнай, кодажа ащи тевсь районца тонафнема од кизоти анокламать колга. И мзярда ушедсь корхтама Кондровскай школати тонафнема од кизоти примамать колга, кармась лаборатора сяскава аф шарьхкодевиста, што педа-пес тапарясь, корхтай: Васеньце класти ули примаф 80—90—120 ломатьт. Кона жа цыфрат, вярондамс тьянди ашезть отвеча соньке Наумкин ялгась.

А Зубунь райкомт секретарес А. А. Колядин ялгась, эсь кафта валонь „речени“ ушедозе тьятаня Ялгат, монь койсон эриволь, ушедомс сянь эзда, штоба тья тевть (значет совещаният эриволь цебярьняста анокламс). А тьян обкомс ашезет тий. Сон нльня уканизият (директиват) ашезень кучь райкомтненьди, кода эриволь йотафтомс „легкая кавалерия“ рейдс“. Стака шарьхкодемс, кодамажа нинге решеният Зубунь райкомти эривольхть.

(Пец 3-це лопаширөө)

Уполномоченнайхнень маркаснон эшксса

Кржа примафоль мокшеда Саранскае фельдшерско акушерскай школав. 1936-36-це тонафнема кизоня. Эриволь учемс, што школати дирекция лувсы тья кальдяв ширеть 1936-37-це тонафнема кизоньди тонафниень примамста, но аф тьятаня лиссь тевсь. Тятденъ тонафнема кизотс школати арьсеф примамс 270 280 ломань. Виде максф заявлениада и нолдафт испытанияс 500 ломань, но мокшеда синь эздост 30 ломатьт и эриволь 98. Мес кржа мокшеда? Эриволь азомс, што тьяса виноват школати дирекция, конац эсь пингстонза ашезень заботенда тьян колга. Виде директорть Сычов ялгати распоряжениянц коряс кучф 300 ялгань сьормат республикаса аф полнай средняй и средняй школань директорхненьди. Тья канешна цебярь мероприятияс, тьякся эриволь шнамс Сычов ялгати, но вдь аныцек тьяконь лангс лотксемс афоль эриволь. Виде, Сычовсь мекольденъ пингыт кучсь уполномоченнайхть колга мокшень районга, конат ба должны тоста кочкамс школав тонафнихть. Но нят

уполномоченнайхне, кода няеви, да тья вдь тьяни аф эриволь, а вов мзярда синь кармайтхь поступать школазонк, эста мле соласаськ. Тья ли аф безответственной отношении тевти?

Виде, дирекцият заслугас эриволь лувомс ся, што синь курокста отвечакшихть заявленийтнень каршес. Тьякся синь савихть аныцек шнамс.

Пяк кальдяв положенияс общежитият мархта. Школати ули общежитият аныцек 80 ломаненьди, а коса кармайтхь эриволь иляды тонафнихне, мзярс нинге кивок аф соласы. Виде тья тевть мархта занялись МАССР-нь Совнаркомськя, ВКП(б)-нь обкомське и эриволь учемс, што общежитиянди помещеният муйт.

Т. ЭНСКИЙ.

Нингя мезевок аш

Минь Перхляень (Рузаевкань р-н) аф-полнай средняй школасонк тонафнемань кизоти мезевок атак аноклаф. Аш учебникть, аш учебнай пособият и ремонтт мартонга тевсь ащи пяк кальдявста. Уч.

Зубунь ВЛКСМ-нь райкомть практической руководстванц колга

Косарев ялгась комсомолонь 10-це с'ездса корхтась: „Тевть организовандаманц эзда зависит сонь пашкодеманы результатот. Миньценон кража шарфневи мяльда организационнай работан кизефксенди. Сянкса и лама организациява тиендеви хть серьезнай прорыфт... и с'ята тов Косарев ялгась корхтай:

— „Райкомонь, обкомонь, крайкомонь и подчас ЦК-нь работнико лама якайхть, различнай организациява. Но якайхть, главным образом, информациянь, сведениянь кочкама, комсомолеченди тьянь эзда аф пси аф якшама“...

И кда лувсать Косарев ялгать валонзон и мярьгат, бтга сон корхтась Зубунь райкомть колга. Штоба афоль уль пудой корхтамас, минь ушедсак фактень эзда.

Од Выселкань комсомольской организацияс аф йолма, сонь эсонза 10 комсомолечт, но тядден кизоть комсомольской организацияс (комсоргс Ширийкин) йофсикс кодамовок работа изь йотафне. Нльне комсомолечне и сонць комсоргска аф содасазь мзярда ульсь комсомолонь 10-це с'ездс. Аф комсоргс, аф комсомолечне с'ездть материалонзон сельмесостка ашезь ний, аф корхтамонь ни синь тонафнемасон колга. Комсомольской пуромкст тядде ашезьхть, политзанягнь йотафнема афи ушедкшнеть, членской взност кой-кона комсомолечне 4-5 ков ашезь пандя, сьормас афсодамат и сьормас кража содамат машфтомас комсомольской организацияс мезевон аф работай. Содай ли тьянь колга райкомсь? Ся, што Од-Выселкань организацияс кальдяв работась, тьянь комсомолонь райкомсь содазе цебарьста.

Сонць райкомть секретарей Калядин ялгась корхтай, што ты организацияс кальдяв комсоргс. А кизефтемс, кодама лезкс максесь райкомсь Ширийкинть? Пцтай кодамовок аш. Райкомонь работнико не ты организацияс аф эряхть. Кда максоль райкомсь Ширийкинть практической

лезкс, тонафтольхце сонь работама, эста Ширийкинць аф кальдяв комсорг уль.

А вон Каргалонь комсомольской организацияс, тьяса станя жа тьянде комсомольской организацияс изь работа. Райкомть лаца лисенди, што тьяса станяжа „кальдя“ комсоргс Паршинць? Кода ньев сембе тевсь тоса, што райкомонь работнико кража занимаданкшнихть черновой комсомольской работаса.

Практической лезкс,—корхтай комсоргс,—райкомсь ашезь максесе. Ди мзярда райкомонь работнико ульсь ты организацияс мон афляфтаца.

С'ездть материалонзон эзда комсомолечне ушедкшнеть комсомольской пуромксса тонафнемс Косарев ялгать докладонц, ди сяньга ашезь адела а лиянь тонафнемс аф и ушедкшнеть. Кодамовок практической мероприятия ашезь намечандакшне. Политзанягнь лоткасть йотафневомданинга февральста, комсомольской пуромкс мзярда ульсь, юкстазе Паршин сонцька, и йофсикс кодамовок работа тьяниень пиньгть аф тиендеви.

Тяни вансакс кода работай райкомть цебарь комсоргонза. Зарубкинань комсомольской организация райкомонь работнико лувондсазь цебарьста работай организациякс. Но виде, тьяса комсоргс Коньков цюрась грамотнай, и старандай. Но сембе сяка ты организацияс работай аф цебарьста. Тьяса йотафневихть политзанягнь комсомольской пуромкст, панневихть членской взност, фатясь тонафнемаса 40-шка сьормас афсодай ломань и вон сембе комсомольской организацияс работай. Драй ты цебарь работа. Ты работас аф кирдемшка кража. А коса стирьнягнь и од аватьнень йоткса работась, передовой од ломатнень комсомолу таргамасна, коса военно-физкультурнай, культмассовой работась? Ты тевса йофсикс мезевон аф тиендеви.

Комсомольской организацияс тонафнемонь с'ездть материалонзон, тиендсь работамань

план—практической мероприятия, коза сувсесь комсомолечнень пцтай сембе вешфкссна, но ты планца сембе пунктне илядть атак пашкодть. Коньков ялгась корхтай, што райкомсь лезкс пцтай изь максе, а максесь аныдек лама обещаният. И райкомсь ты организацияс лувондсы цебарьста работай организациякс.

Тарх-Потмань комсомольской организация райкомонь работнико станя жа лувондсазь цебарьста работай организациякс. А мезе цебарьс? Йотафникхь политзанягнь с'ездть материалонзон эзда тонафнез Косарев ялгать докладонц, Андреев ялгать валонц, программать и уставть, йотафникхь комсомольской пуромкст, фатясь тонафнемаса 13 сьормас афсодай ломань и сембе организацияс работай. С'ездть решениязон коряс кодамовок практической мероприятия ашезь намечандакшне, ты тевса мезевон ашезь тий. Райкомть практической руководстванц и лезксонь максоманц колга аф и сави корхтамаска. И ты организацияс лувондови цебарьста работай организациякс.

И мекпальцекс с'ясаск Од-Потмань комсомолонь комитетть, коса ты пингс секретарь ге аш, а секретарь вастс работай Матвеев ялгась, а вдь ты райкомть цебарьста работай организациякс. С'ездть решениязон эзда тонафнез аныдек программать и уставть а нянь тонафнемстонга ульсь комсомолечнень пяселна. Практической мероприятия кодаптка ашезь намечандакшне и с'ездть решениязон пашкодемасон колга мезевон аф тиендихть. Йотафникхь политзанягнь, комсомольской пуромкст и фатясь тонафнемаса 50-шка сьормас афсодай и ты ка комитетть работай. И ты комитетть лувондсазь цебарьста работайкс. Лезкс райкомсь максесь пяк кража.

Сатыхть няфтемс нят фактне и сембенди арай шарьхкодемс, што Зубунь райкомсь черновой комсомольской работаса аф занимадань, райкомонь работнико велеса эряхть шуруста, а кда улелдехть организациява, эста тьяфтама положеният петелез. Райкомсь комсомольской организацияс лезкс максеси пяк кража. Райкомонь работнико ты пингс ашезь шарьхкодть с'ездть решениязон, а кда шарьхкодез то аф йорайхть пашкодемост.

А. Дуйков.

Пожарникнень боцкасна вед фтема

Маманя велеса ули пожарнай сарай, коса пожарникне дежуряхть круглай суткань, но бедась сянь эса, што сарайсост сембе боцкитне шавот и вед фтема коськсть варамяность, конат ни аф яраштыхть ведь усомс. Пожар йоткова синь кодамовок лезксонь максомс аф анокт.

Вельсоветти эряви варжакстамс ты тевть лангс.

В. Михайлов.

Рыбкинань р—н.

Испанской правительственной войскачьнень успешна

„Черная легионть“ поражения

Париж. Августь 7-це шистонза.

Мадридста пачьфнесазь, што севернай фронста правительственной войскачьне сатсь исяк лама од успехт. Арагонской участкас правительственной вийхне кружазь мятежникионь колонна и савсь пленц 1.800 солдатт. Пленнай солдатне азсь мяль тюремс правительственной войскачьнень ширеса и азозь, што ульсь васькафт офицерхнень мархта. Арагонской участкас бойхнень эса мятежникине получась серьезнай потерят и кадсь тюрема васту 4 артиллерийской батарейт. Мятежникионь 4 самолеттнень эзда, конат примась участия бойса, фкясь кривязь, а ляды колмьтне ворягольсь.

Гавас агенствать сообщенианц коряс 2 тьожать мятежникинц Састаго районца (18 километрат Сарагоссать эзда) йотась правительствать шири панчесь ки республиканской вийхненьди Сарагоссав. Кинто ошть маласа (юго-восток шири Сарагоссать эзда) правительственной войскачьне капитанть Заморть командованиянц ала срафтоз Черная легионть (мятежникионь отряд, коса лувондовсь 10-шка тьожать ломатть). Правительственной войскачьне тьяса фатясь лама винтовкат и пулеметт.

Мятежникионь отрядсь, конац сась, кода арьсхть, Галисияста, йорась максомс лезкс мятежникиненьди, конат ульсь осажденнайхть Овиедоса. Однако ты отрядсь ульсь срафтф республиканской вийхнень мархта.

Фатяф Бургосса мятежнай вийхнень руководителснот Каванельяс генералть радиограммац Франко генералти. Ты телеграммаса корхтави, што мятежникине марсьхть аф сатыкс боеприпасонь и ярмаконь ширьде; Каванельяс мненианц коряс, единственный выходсь—ты тяряфтомс форсировандамс горнай проходнень и фатямс Мадридть. Противнай случайса, корхтай Каванельяс мятежникинень поражениясна неизбежнай.

Мадридть эзда юг шири правительственной войскачьне пцтай целиком занязь ТОЛЕДО-ть. Мятежникине кирьдихть аныдек Альказарса (Толедонь крепость).

Кадиксць никса бойхне

Южной фронста—Кадиксса 6 часст мольсь ожесточеннай

бойхнь правительствань сторонникнень и мятежникинень йоткса. Гавас агенствась пачьфнесы, што правительствать сторонниконза занязь ошть. Лия сообщенияньнень коряс, бойхне нинге молихть, и правительствать сторонниконзон мархта Кадикс ошть заняманц колга сведенияньне преждевременнайхть.

Гибралтарста пачьфнесазь, што правительственной крейсера „Хайме 1“ вииста бомбардировандазень Алхесирасть и Ла-Линеать. Гибралтарста няевсь, кода Алхесирасть разнай вастованза сязевсь снарядне. Лондонца пачьфнесазь, што мятежникионь фкя канонерка фатяф толса (кривязь).

Правительствась аноклакшн гидросамолеттнень прикрывания ала валхтомс десант Майоркав (Балеорской островнень эзда инь оцю островсь). Десантса кармайхть участвовандама 3.500 ломатть.

Мятежникионь десант германской судачнень и итальянской авиачнень прикрывания ала

Южной фронста мятежникиненьди удалась валхтомс Алхесирастаса эсь войскань десант (Мароккоста усф войскачьнень эзда). Кода азондсазь французской газетачнень, ты операцияс удалась тиесак цек германской военной судачнень лезксонь велде, конат шьорсь сесть правительственной судачнень операцияс нонды, а тьяфта жа итальянской самолеттне, конат бомбардировандазь правительственной судачнень, конат йорась шьорямс мятежникинень валхтомасонды. Сембец мятежникинень мархта ульсь валхтф 4 тьожать ломатть. Мятежникинень, конат усфкт испанской Мароккоста, общай лувкссна 9 тьожать ломатть.

Сеутста (испанской Марокко) сведенияньнень коряс, тоса анокловихть од десант. Трансмедитеранса кампаниян колма паракот ащихть пристанца, грузонайхть солдатса и снаряженияса. Битальянской трехмоторнай самолетт и 3 германской самолетт, конат испанской Мароккост, анокт-лиема мятежникинень транспортснот ареляма испанской правительствати вернай флотть эзда.

(Сявф „Известияста“)

ВОССТАНИЯСЬ ФАШИСТСКАЯ ТЫЛСА

Нью-Йорк. Реакционнай газетачнень корреспондентца Хэрстась пачфни Бургоста (Испания), што „Аргонияс фашистнень позицияснот тылсост ушедсь рабочаень восстаниятне, конат могу арамс фашистненьди серьезнай угрозакс, афваномок сянь лангс. што фашистне обычна немедленна ляценькшнесазь сембе граждатнень, конатнень кядста мушендыхть оружия.

Ассошиэтед Прес агенствать корреспондентоц пачфни, што Верать маласа „Народнай фронтонь снайперхне молфтихть грознай партизанской вайна“ препятствандамок фашистненьди Сан-Себастиянь лангс наступлениять мольфеманиты „Чикаго Дейли Ньюсть“ корреспондентоц сьормадь мадридста, што сон „поражен антифашистонь милициять оцю (высоким) маральной уровенец мархта“

Лямбирень, темникавонь, зубунь райкомтне практической работать полафтоз болтовняса

(Пец. Ушедксоц 2-це лопаширеса)

ЦК-ть путфксонза сембе пяк яснайста азф. Тевсь, конечно аф тьянь эса, а тевсь сянь эса, што Зубунь райкомсь няфтезе эсь исключительна аф поворотливостени, расхлябонсь тени.

ВКП(б)-нь обкомть секретарей Прусаков ялгась эсь выступлениясонза кемоста критиковандазень кой-кона райкомонь секретарьхнень, ты пингс синь аф нолдамшка лафча работаснон инкса. А Зубунь райкомть секретаренц Колядин ялгать выступлениянцы мярьгсь, „ты аф серьезнай ломанень, аф комсомольской руководителень выступления, а идень лепет“.

Аф ломода сядя цебарьста ащи тевсь Кочкуровань районца (райкомонь секретарьс Туркин ялгась; Березни-

кань районца (райкомонь секретарьс Левин ялгась) Виде синь боевойкс кярмодсть ЦК-ть путфксонц пашкодеманы, ашезь юмафта фкявок ши „раскачкати“, кидя лама лия райкомтне, но сембе сяка практически тисть нинге йофсикс кража. Ты няевсь и Левин ялгать докладстонза, кона азондозень сембе фактнень, лиякс азомс фотографировандазень фактнень и пяк бледнайста няфтезе комсомольской организацияс практической работанц.

Тевсь тьяни сянь эса, штоба совещаният меле самок вастова, мобилизовандамс сембе активть, аф нолдамс фкявок час, машфтомс болтовнять боевойста ринуться черновой работати, штоба малацекс кафта шитнень эзда петемс тевть.

Ив. Казарин.

КИНЬ ТЯ ТЕВСЬ?

Партиясь и правительствась шарфнихть пяк оцю мяль сьормас афсодамать и сьормас кржа содамать машфтомаснон шири. Но улихть вельсоветт, конат тя пингс ашезь шарькодь тя истинать — сьормас афсодамать и сьормас кржа содамать машфтомаснон, а кда шарькодезь то ойфсикс аф йорайхть тя тевса работамс. Корхтамась моли П-Селищань (Зубунь р-н) вельсоветт колга. Кодама работа тя велеса йотафневи сьормас афсодамать и сьормас кржа содамать машфтомаснон колга? Йофсикс кодамовок аф и тя тевть организовандамонза кивок аф арьсекшнн.

Вельсоветтс тя пингс ашезь тий учет сьормас афсодайхненди и сьормас кржа содайхненди, тянь колга вельсоветса кодамовок сведенияташ. Сьормас афсодайхненди и сьормас кржа содайхненди лувкснон кивок аф содасы. Вельсоветтс председателенц по лафтыец Пискунов (председательс отпускс) тяниень пингтс тя оцю тевть колга мезовок аф арьсекшнн, аф корхтамон ни сонь организовандаманц колга.

Комсомольскай организациясъ стана жа тя тевса мезовок аф работай и аф арьсекшнн работамска. Пингс вдь йотни, а сьормас афсодайхне и сьормас кржа содайхне илядкшнн атак тонафмек.

А. К.

ЭРХТЕМС СЕ- ЗОННИКНЕНЬ ЛАНГА

Улихть вельсоветт, конат тя пингс ашезь шарькодь сьормас афсодамать и сьормас кржа содамать машфтомаснон эривикс шини, конат тя тевть лувондсазь чепухакс и сезоннайкс.

Минь ушедсасъ Кулдымонь вельсоветт и сонь председателенц Шерстобитовтс эзда. Вельсоветтс тя пингс точнайста афсодасыне сьормас афсодайхненди и сьормас кржа содайхненди лувкснон, а лувксна синь оцю. Вельсоветтс тя пингс ашезь организованда секция сьормас афсодамать и сьормас кржа содамать машфтомаснон колга и афи арьсекшнн организовандамса, корхтай тевдонза лама, аш мзярда тя тевть мархта возь семс. Велень руководителхне и первичнай комсомольскай организациясъ тя тевть лувондсазь сезоннайкс. Синь тя пингс ашезь шарькодь партиять и правительствать пукфкснон, што 1936-37 кизотнень эзда сембе вастова эрив машфтомс сьормас афсодамась и сьормас кржа содамась.

Районнай организациатненди эрив эрхтемс сезонникнень ланга. К. Шаг. Шайговонь р-н.

Идтне эрйхть пульть потмоса

Зубунь райононь „Красная поляна“ колхозть идень яслянза кона ширденге аф пожайхть ясляннн. Кияксъ рудазу, каворксненди пилькиень гя синьцак. Шратне стана жа рудазуфт. Идтненди кода-

ТОРБЕЕВАНЬ СОЦ-КУЛЬТУРАНЬ КУДТЬ БЕЗДЕЛНИКОНЗА

Аф сави лама корхнемес сянь колга, конашкава оцю значения кирьдихть социалистической культурань районнай кудтне. Синь работамань цебарь опытнон коряс должетт ладямс эсь работаснон колхознай клубтне.

Но эриви, однако, азомс, што аф сембе райоттненди эзга улихть работас коря социалистической культурань стама районнай кудт, конатненди работаснон эзда можнальба савомс кепедькс.

Кепедьксонди савсасъ Тарбеевань социалистической культурань районнай кудть (сонь директороц Загряжскай ялгасъ) конашкава убогайста сон варшни. Районнай центра са лама од ломаньда. Вдь пед-пес шарькодеви, што районнай социалистической культурань кудсь ащи теетт единственна стама вастокс, коса синь должетт йотафнемс эсь ваймама пингснон. Но Загряжскай ялгать мялснзонса ся аш, штоба тиесем сембень од ломаттненди эсь ваймама пингснон цебарьста йотафнемаснонды.

Минь аф карматама корхтама соц-культурань кудть потма ширьдене оформленианц колга. Сонь эсонза лозунгтне, картинатне полгфннхть кизоти весть, васеньца майста.

Загряжскай ялгать работа ащи сянь эса, што сон сидеста тиенди од ломанень вечерхт. А ня вечерхненди эса танцада башка мезевок аш. Штоба тя афоль уль шава валкс, сяфтяма фкя тьяфтам од ломанень вечер, кона ульсь йотафтф августтс 3-це шистонза. Вов тя вечерти анокламась: эрь стенать лангса петфатф афишат. Нят афишат не сьормадфт Загряжскай ялгать кяденц мархта, оцю букваса, да нинге букватне тифт „художественнай“ фкус мархта. Эрв буквасъ тифт тарадкакс. панчфкакс и ст. тов. Эрви видеста азомс, аф эрь грамотнай ломаньтти морафтови: „Всем. всем!“ Тачи од ломаньтти грандиознай вечер танцатне, прамозт. Морай „баян“ морафтк тонць, и азонк ялгастц(?)”.

Илять 10 частста ушедовсь одломанень „грандиознай“ вечерсь.

Вечерт ушедозе баянистс, морасъ валкс, сяда меле гармошкась—валкс. Тяла меле боянистс морасъ факстрот. Кой-конат листь кштиеме а кивок факстротт танцевандамонза аф машты, листь шерфнезь ронгснон и сембе. Танцода башка мезевок ашель. Вов тьяфтама вечерхт тиендихть пяк сидеста. Нят вечерда меле можна кулемс

тьяфтам корхнемат мезенкса аныцек пандоме 50 трыошнект. Кода нийсасъ Загряжскай арасъ „коммерсандокс“, сави горманист, озафцы клубть кучкас и тянь ланкса аделакшневи Загряжскай сембе тевон.

Кивок аф корхтай сянь колга, штоба лоткафтомс танцатненди, но мезевок афтиендемс танцань вечерда башка, тя сембе сяка, што йофсикс мезевок афтиендемс.

Социалистической культурань районнай кудть ваксань сердицек ащи ваймамань и культурань парксь, сон тя пингс атак оборудовандок, эсонза аш кодамовок плащадкат.

Соц-культурань кудга кодамовок кружокт атак организовандакт. А тьяста, кодамовок культурно-воспитательнай работа одломаттненди йоткса соц-культурань кудса афмольфневи.

Афваномок сембе вярэ азфть лангс, комсомолонь райкомсь соц-культурань кудть работанц цебарьгофтаманц инкса станяжа мезевок ашезь тий и тиеска аф йорай, Загряжскайсь вдь комсомолонь член. Эрви учемс, што ВЛКСМ-нь райкомсь всежа кярьмодитя тевти.

Ив. Казарин.

СЧАСТЛИВАИ СЕМИЯ

Стака обузакс лувондовсь сяда инголе лама шабатьне. Эрв одс шачи идть шачемода меле од сталма звондакшнесъ тяратьненди алятьненди эрвфснонды, семияти звондакшнесъ лишнай курга, конаньди эрвась лишнай кши, конаньди лангс эрвась лишнай шапткарят, конань пильгс эрвась лишнай карьхть-практат. Аф марайхть кодамовок сталма эсь 7 цьораснон эзда Шишулин Михаил Матвеевичь и сонь авац (Слобдань райононь Колъзиванова велеста) Шишулитне эсь семиясосткасфтыхть фсякай замечательнай специалистт.

Сонь оцю цьоранцты Степани—24 кизот. Сон работай комбайнеркс, няфни колхознай трудонь оцю показателхть. Мзярда Степасъ ульсь якстерь армияса, тоса сонь казеньдезь двухряднай гармошкаса и фотоаппаратса, полу-

чакшнесъ лама благодарностть командованиять и политсоставт эзда.

Омбоце цьоранцты—Ваняти 21 кизот. Сон работай Колъзивановскай вельсоветонь „Путиловец“ колхоза учетчиокс, образцовайста ладязе колхозса трудонь учетть.

Колмоце цьоранцты—Пашати 18 кизот. Сон работай трактористокс, кона трактористонь курсненди аделазень отличнайста и тачи ударнайста работай Слобдань МТС-са, а сай кизотъ сон йорай максомс экзамен тьяфта жа отличнайста механикокс.

Нилеце цьоранцты—Горати 14 кизот. Сон тятде цебарь оценка мархта аделазе велень школать и тонафнема од кизоста кармай тонафнема НСШ-са, а сонь аделамондза меле йорай модемс педтехникуму, штоба улемс педагогоск. Ветецс цьоранцты—Коляти

12 кизот. Сон аделазе начальнай школань 2-це группать цебарь оценкаска.

Котоце цьоранцты—Мишати 7 кизот. Сон тонафнема од кизоста кармай тонафнема васеньце группаса.

И сисемце цьоранцты Васяти—2 кизот. Тя сисемце счастливай цьорать инкса Михаил Матвеевич Шишулинц од законть коряс кармай поллучкшнема 2-нь тьожань цалковай кизоти.

Мялсна кепеди тяратьненди алятьненди Шишулиттненди эсь сисем цьораснон лангс. Да кие может аф каямс сельме тя счастливай семьять лангс, кона максси способнай, честнай и грудюлюбивай ломатъ аф аныцек социалистической мордовият, но и сембе социализмань стройт странати.

Максимов.

Лагерьса

Рыбкинань районнай пионерскай лагерьхненди эса васеньце сменаса ульсь 83 отличникт—пионерхт. ВЛКСМ-нь райкомсь кучсесь цебарь комсомолецт лагери идтненди мархта работам, конат спривдандазь эсь назначениянон. Аф ваномок сянь лангс, што вожатайхне ульсь лагерьса аныцек васеньцеда, сембе сяка синь маштсть ладямс и организовандамс идть-

тненди культурнайста ваймамаснон. Тоса ульсь шашкаса, шахматса, волейболса и лия налкхсемат. Лац ладяфольстенной газетать работац, конац оцю значения кирьдись дисциплиналь ладямаса.

Пионерхне лац ярхцекшнесъ лагерьса, конац пяк лездсь идтненди шумбра шиснон касфтоманцты. Идтне лагерьста тумдост инголе эсь впечатлениснон сьормадозь кагол лангс, коса азондсазь, што синь пяк цебарьста марьсазь эсь пряснон, синь лагерьса тонадсть лама од играт, танецт, конатненди куду молемок тонафтсаяз ляды ялгаснонды.

Но лагерьса ульсь афсатыкста, кода, кепотьксоньди, аш идтненди художественнай литература, А.Л.

Физкультурань кулят

Августт 15-це шистонза кармай йотафневи Саранскай мол мясосовхозонь физкультурнай городокса кустовой спартакиада. Спартакиадса примайхть участия 8 совхост. Син эздост 5 совхост Мордовияста и 3 совхост Куйбышевскай крайста. Спартакиадса кармай йотама спортонь тьяфтама видонь мо-

ряс: легкай'отлетикаса, уемаса, ляцендема и лия видонь корьсь.

Совхозонь комсомолецне вийста анаклахть спартакиада.

Цебарьст улсь ладаф физкультурнай работась Саранскай мол мясосовхозонь пионерскай лагерьса. В. С.

Отв. редакторсь С. С. ЛАРИОНОВ

ЛАТТА АЗОМА

Мокшеэрянъ фельшерско-акушерскай школатти примамань колга испытаниятне кормайхть йотафнемова августт 15-це шистонза савомок 25-це шини самс. Ся ломаттненди, конат макссть документ эрив самс испытаниятненди августт 15-це шинцты Саранск ошу.

2—1

ДИРЕКЦИЯСЪ.

Уполномоч главлито № Д-804 Заказ № 2625. Тираж 22
Саранск типография „Красный Октябрь“ Мордгиз